

133 á lögum nr. 22/1950, um gengisskráningu o. fl., og lögum um tekju- og eignarskatt, 30. júní nr. 6/1935, öðlast þegar gildi.

Fjármálaráðuneytið, 30. júní 1950.

Eysteinn Jónsson.

Kjartan Ragnars.

134

30. júní

GJALDSKRÁ

fyrir bryggju að Brekku í Mjóafirði.

1. gr.

Stofna skal sjóð, er nefnist bryggjusjóður. Í hann renna allar tekjur bryggjunnar samkvæmt gjaldskrá þessari.

Bryggjusjóði skal varið í þarfir bryggjunnar, til greiðslu á stofnkostnaði hennar, kostnaði við stjórn og umsjón, til umbóta á bryggju og hliðstæðum mannvirkjum og til viðhalds þeirra, o. s. frv.

Reikningsár bryggjusjóðs er almanaksárið. Eigendur bryggjunnar skulu senda hreppsnefnd reikninga bryggjusjóðsins.

2. gr.

Hvert skip, er leggst að bryggjunni eða skipi, sem liggur við hana, greiði bryggjugjald sem hér segir:

Öll aðkomuskip greiði 20 auro af hverri brúttó-smálest. Minnsta gjald skal þó vera kr. 3.00.

Bátar, heimilisfastir, greiða fyrir afnot bryggjunnar eftir samkomulagi. Þó greiða bátar 12 smál. og stærri ekki yfir 100 krónur á ári, og minni bátar ekki yfir 50 krónur.

Bryggjugjald fyrir aðkomuskip reiknast fyrir hverjar 24 klst. eða brot úr þeim.

Fyrir sérstaka notkun á bryggju, bólvirkjum og uppfyllingum, svo sem aðgerð á fiski, flökun, fiskverkun, síldarsöltun o. fl., skal greiða eftir samkomulagi.

3. gr.

Vörugjald skal greiða af því, sem útskipað er eða afskipað á bryggjunni, svo sem hér segir:

1. Ull, kjöt, gærur, garnir: 3 kr. hver 100 kg.
 2. Matur, kornvara, kaffi, sykurl: 2 kr. hver 100 kg.
 3. Garðávextir, fóðurvörur, tilbúinn áburður: 1.50 kr. hver 100 kg.
 4. Hey, salt, kol, sement, byggingavörur aðrar en timbur: 1.25 kr. hver 100 kg.
 5. Olía, benzín: 3 kr. hver tunna eða 1.25 hver 100 kg.
 6. Fiskur, nýr, saltaður, frystur; beitusíld: 1 kr. hver 100 kg.
 7. Timbur, búslóð: 20 auro hvert ten.fet.
 8. Saltsíld: 1 kr. hver tunna.
 9. Tunnur, tómar: 50 auro hver.
 10. Stórgripir: 5 kr. hver gripur.
 11. Sauðfé: 50 auro hver kind.
 12. Stykkjavara: 75 auro stk.
 13. Vörur eftir máli, aðrar en timbur og búslóð: 40 auro hvert ten.fet.
 14. Vörur eftir þyngd, ótaldar annars staðar: 2 kr. hver 100 kg.
- Minnsta gjald er 50 auro.

4. gr.

134

Undanþegið vörugjaldi er pósthlutningur og farangur ferðamanna, allt að 25 kg, svo og vistir ag aðrar nauðsynjar til báta og skipa til eigin notkunar, sem fluttar eru úr landi.

5. gr.

Vörugjald skal reiknað eftir máli eða þyngd með umbúðum. Skipstjóri eða formaður ber ábyrgð á greiðslu skipa- eða bátagjalda, svo og rétt upp gefnu vörumagni, en viðtakandi vöru eða afgreiðslumaður skipa á vörugjaldi. Ef margs konar vörur eru í sömu sendingu, skal reikna vörugjaldið eftir þeirri vörutegund, sem hæst vörugjald reiknast af. Ágreiningi má skjóta til lögreglustjóra.

6. gr.

Þeir, sem valdir verða að tjóni á bryggjunni, skulu bótaskyldir, annað hvort greiða þeir tjónið með upphæð, er um semur við eigendur bryggju, eða viðgerðarkostnaði eftir reikningi.

Takist ekki samningar um bætur, skulu þær ákveðnar af 3 óvilhöllum, dómkvóddum mönnum.

7. gr.

Um skaðabótaskyldu fyrir tjón, sem tilfært er í næstu grein hér á undan, fer eftir almennum lagafyrirmælum.

8. gr.

Gjaldskrá þessi öðlast gildi þegar hún hefur verið samþykkt af hreppsnefnd Mjóafjarðarhrepps og ráðuneytinu.

Gjaldskrá þessi samþykkist hér með til að öðlast þegar gildi, þar til öðruvísi kynni að verða ákveðið.

Samgöngumálaráðuneytið, 30. júní 1950.

F. h. r.

Páll Pálmason.

Brynj. Ingólfsson.

GJALDSKRÁ

135

30. júní

yfir almennar rannsóknir, er Iðnaðardeild Atvinnudeildar Háskólans annast.

Samkvæmt lögum nr. 68 7. maí 1940, um náttúrurannsóknir, eru hér með sett eftirfarandi ákvæði:

1. gr.

Gjöld fyrir almennar efnarannsóknir, er Iðnaðardeild Atvinnudeildar Háskólans annast, skulu vera sem hér segir:

I. Benzín og aðrar steinolíur.

Blossamark, undir 0° C.	kr.	55.00
Blossamark, yfir 0° C.	—	27.00
Brennisteinn, ákvörðun	—	60.00
Conradson carbon	—	70.00
Eðlisþyngd (pyknometer)	—	20.00
Eimingarleifar	—	27.00
Móðumark	—	35.00